

溫州府志



瘦

歐乘補卷之十七

藝文詩 外編

宋

楊億送温州聶從事赴闕

佩韃來海上
 七見歲星移
 務劇操刀割
 書成羽檄馳
 詩傳百越遍
 詔下九霄遶
 束帶朝闈闔
 歸艎泛渺瀰
 舊遊聊稅駕
 雅飲且軒眉
 鄭驛歡相接
 牙絃辱所知
 病驚瓊樹瘦
 醉露玉峰奇
 上馬便西笑
 何須訴酒危

又次韻和酬永嘉聶從事除夜之什

三百六句今夜盡
 寥寥虛室獨凝神
 蓮城五鼓欲催曉
 梅嶺一枝先報春
 鄒律漸吹陰谷暖
 堯堯看傍土堦新
 海隅留戀年華長
 坐對寒缸浩歎頻

東嘉黃漢鶴樓纂輯
同邑傅傳聲谷參校



歐乘補卷之十七

陳東送黃仲達歸温州仍寄諸友

長安市上喜初逢，傾蓋交情久要同。幾載睽違勞夢思，一尊邂逅
寫離衷。江山柑橘正酣露，江岸帆檣忽飽風。歸去聲名詢舊友，項
髯方浪許芹宮。

又謝温州黃仲達送鄂州瓜齏

黃夫子從汶上來，三束瓜齏送風土。應知我亦同齏鹽，肯食沽酒
與市脯。食肉者鄙無遠謀，甲第紛紛何足數。飯蔬飲水真樂哉，十
古風流想尼父。

劉克莊寄永嘉王侍郎後村詩抄

珍重西清老書來，訪薜蘿為邦應好在。作佛竟如何，花押常衙少
柑香盡，座多聞公鬚尚黑，未害少婆婆。

樓鑰送曾南仲守永嘉攻媿齋集

六和久坐趣歸鞞，却送旌旄水竹邊。無說可禪新令尹，有詩重送
老同年。城隅綠竹今安在，庭下朱欄定儼然。回首東州真夢境，羨
君此去若登仙。

金復祥贈蘇太古金文安公集

景定甲子九月初永嘉蘇太古同遊金華洞夜宿鹿田寺
用杜陵山館詩韻以贈

攜手同山去，山高風露寒。共來巖壑裡，別處海雲端。意重言難足，
更深語未闌。相期最高處，志見兩俱安。

真山民題永嘉夢草堂浦城遺書

留得斯堂萬古名，江山不敢閉英靈。池光曾染吟邊墨，草色猶如
夢裡青。南浦詩香流未歇，東家魂冷喚難醒。當時園柳俱塵跡，惟
有鳴禽尚可聽。

謝翱艤舟江山寺 晞髮集

數聲清磬出晴暮落木人家散烟霧風送年年江上潮白雲生根吹不去

梅堯臣和沈文通學士遺溫柑詩

禹貢書厥色未知黃柑美競傳洞庭熟又莫永嘉比適觀隱侯詩獲此良可喜誦句劈露囊香甘冷熨齒明朝鎖禮闈何暇醉鄉里

左經臣緯送許少伊至白沙

短棹無尋處巖城欲閉門水邊人獨自沙上月黃昏此二十字可謂惜別之情至今使人黯然魂消見魏慶之詩人玉屑

元

薩都拉天錫雁門集有鄭天趣進柑入京詩白髮參軍門不出黃岩老叟肯相過九重玉食常年進千里金柑細馬馱綠水青山南

郡遠毳袍貂帽北風多同年若問儂消息為說愁來奈病何

漢按蘭溪吳景奎藥房樵唱有哭鄭伯容詩註云永嘉天趣

幼子是天趣永嘉人也

薩都刺送丁太初赴永嘉學正詩春着花間夜秋來柳下船

許謙送方雅存游永嘉詩思遠樓前會昌湖花開十里紅芙蓉香

消色盡水痕落秋風颯爽涵冰壺巨鰲戴山兩歧出中江屹立雙

浮屠潮聲來往撞晝夜惴惴不敢鳴鐘鳴魚雁峰南北插雲漢千

尺亂削青珊瑚靈巖怪壑山水秘木屐齒敝終迷迷途見許文懿

公文集

明

唐順之張羅山相公 荆川集

帷中運策九州清共說留侯在帝京賜第近連平樂觀入朝新給

鐘下鳴字誤衍
下迷字誤衍

羽林兵儒生東閣承顏色酋長西羌識姓名却望上台多氣象
年常傍紫宸明

陳鶴夜坐寄張甌江

坐久北風起江聲帶遠沙客愁初到鬢鄉夢不離家
林靜無殘葉燈寒有落花懷君羈旅滯雲海各天涯

諸夢懷仁題江心寺壁

閩水吳山首重回故園松竹半蒿萊無才實愧司民牧
有病難教謁上臺兩袖清風辭郡去一帆疎雨過江來
多情父老猶相念時縱扁舟送綠醅

按丹陽志諸葛公萬歷戊子副榜建寧通判

翁白東甌晤允著弟

梅莊遺草

孤城列戟枕江邊過此曾經十九年短褐重來吾白首
長纓未請

爾青氈豺狼道上愁為客風雨樓頭欲問天祇恐談深今日事
不堪沉醉蓼花前

又九日客東甌

旌旗遠擁海天長拋盡民家八戰場南國還當戎馬難東籬無復
菊花黃百年懷抱頻看鏡萬里登臨獨舉觴羈客此時心折盡冷
風飛雨暗重陽

賀王盛寓永嘉王氏青旭樓亦政堂詩文集

丞相祠堂何處尋杜浮圖十尺湧江心數行春樹連雲海一首清
詩照古今

精衛飛飛怨陸沉波濤浩渺最傷心君仇不報長填恨獨漉污泥
歎水深

半壑松筠未可謀乾坤何處覓荊州稽康媚俗惟青眼江總還家

恐白頭

漢按賀公字無黨丹徒縣人萬曆戊辰進士官太僕寺卿後
殉國難見丹徒志

國朝

劉宰長林場海邊道上

漫堂文集

海霧晚逾合海風吹更寒衰顏欺薄酒老膽傲驚瀉叢竹人家近
平沙客路寬明朝應更好山翠撲征鞍

又題永嘉寺壁

石泉飛下寶蓮宮似聽鈞天奏未終千古風流謝康樂可無狡齒
此山中

潘之彪登玉甌峯

峯形如甌高峙海濱歷十二盤而至絕頂星辰歷落如挂

簷前東望朝曦紫綠萬狀雷雨出其下界登之可以眺山
外之海真奇觀也

我聞雁宕奇襄糧問靈泉中途休荆棘蠟笈別有緣回首眺玉甌
清興忽高舉逶迤入翠微突兀凌蒼烟行行百林杪俯賜鳥去還
瀑布從空來萬丈水簾懸欲落不肯落隨風散珠璣峩峩十二盤
振策臻其巔忽見大海橫蓬壺指顧間白雲滿石床拂拭天上眠
凌晨眇東曦紫綠態萬千雷雨出下界陰晴分各天黃冠去不反
丹竈猶宛然撥徑覓西澗喧豗浩無邊側聞蛟龍吟腥風鼓重淵
窮覽若好古探討還鑽研安能謝塵埃結廬傍雲屋

又東甌山水圖

余赴任甌李節以到任之日奉裁兩庠士子於其行也繪
東甌圖各賦一章裝軸以送詩以謝之

秋風匹馬向東甌官舍誰知一遞郵未與溪山留宦跡却憑卷軸
壯歸舟春池已斷詩人夢蠟屐曾從畫裡遊送客汪倫情不淺江楓海
月總離愁

杜鰲隨督學過雁宕遇大風雨

千尋當仄迳山雨驟馳來雷疾聲疑破風號勢欲顛夢多還覺擾
魄散不知危即使纓塵網若乎抑利哉

色文壇小若巖

一峰飛挂白雲間百尺危藤豈易攀綠樹迷離涵月影朱霞閃艷
綴山顏鳥舒健翻風吹急鹿繞懸崖雨過閑勝地從來人蹟少上
方僧舍卷松關

薊過庭遊永嘉小若巖

永嘉山水妙天下沙頭西北尤稱雄他山土阜堆突兀此地石骨

爭龍從截溪却漢駭心目蕩然祛慮接幽衷平生未省習艱險况
經困頓身心慵到此不覺兩脚健顛狂跳躑輕猿狖何須仙人九
節杖便欲赤脚凌清風倒持吳筴數巖岫一步一換無一同或如
老僧卷髮坐出頭天外談禪宗或如宰執措笏立正直是與矢靖
共或如神女盤雲髻霓裳宛轉鳴璫琤或如驃騎赴大敵銜枚疾
走衝前鋒無何俠客逢知己披肝瀝膽開心胸無何豪士快牛飲
脫帽露頂貌王公浸假而為耦耕士主伯旅亞殷田功浸假而為
九子母提攜襁負摩兒童彫題鑿齒各相屬扶伏臣僕隨西東山
魃木客固與暱草莽蹲踞真奇穴信知山靈示神變效技獻態無
終窮紆迴曲折路不盡壁立萬仞安能從途窮日暮誰予爰不禁
疾呼憂心中俄聽天上有神語楚然破壁來虛空近前愕眙復勞
客揖我謂我矍鑠翁此間向與人間隔吾翁至此誰為通老大一

一為具答山童驚喜語龍息凌空危磴嚮導入遙歸語主翔輕鴻
 主人吾家箇裡人入門相視心神融臨崖寄閣房宇複寬圍窈窕
 穿玲瓏檐頭濺沫窗前落晴空何事來瀟濛倚闌俯仰精爽越上
 下際斷難為容神清骨換待輕舉天風吹我行且翫憑陵大叫走
 山鬼慙裂百獸亡蛟龍吾知山靈具隻眼遇我千古欣奇逢權奇
 傲佹逞妖麗撐腸拄腹蟠心胸安得妙筆寫山照輕綃漫卷誇吳
 儂前有子爾董北苑今亡已夫米南宮紛紛畫史項背出我晚視
 之皆顛蒙深鈞細染累千萬筆力豈能爭化工吳闔虎阜一卷石
 往來雜沓誇奇縱名山洞天福地記棄此取彼書何庸山經地誌
 珠茫昧世上誰人不曠聾屈身貴賤在所處但要自信無悲憫
 我予山靈負奇骨作詩一笑貽寰中

又題小若巖洞

絕壁藏精舍盤空偶獨尋石爭天辟易崖削地平沉三伏居然臘
 六時常是陰前溪戎馬雜未識此山深盡日臨空坐流觀逸思生
 片雲從起滅亂石向縱橫月上憑闌嘯鳥飛繞樹鳴浮生無一事
 剩得此心明

巖元憐華蓋遣興懷林文杓

甌城九山環若白華蓋一峯橫座右我來不見修羊公徒倚臨風
 嗟歎久信步閒登山亭茫茫遊睇蔽林藪祠宇興廢換古今頃
 刻白雲變蒼狗上有宋理學儒城裡炊烟起萬家囂塵合沓勞奔走
 走日落寒江潮正來崩巖裂石蛟鼉吼亂流孤嶼謝公詩文藻猶
 存骨已朽聞有容成古洞天仙壇石室同廬阜皓鶴不來井水枯
 此語僅足齟童叟元都道士向余言西湖隱君真耆耆年同伏生
 猶授書蠅頭細楷常親手我欲從君訪丹訣函關望氣空翹首投

以魚日報明珠疑啖水桃與雪藕予家大阮園綺侶問年獻歲已
九九予今齒髮未六旬凋疎頗類風中柳倘蒙指示駐顏齡何用
蓬萊尋阿母神仙原是世間人武陵桃源果有否春來江水綠
汙蒲瓢高挂凌南斗歸途若遇黃初平笑倩麻姑去沽酒

又永嘉遺懷

何物堪消遠宦塵黃魚出網繪修鱗香柑不數三吳橘
紫菜還同十里蕁花發佛桑姿歛澀杖携棕竹節嶙峋只愁酒薄
難成醉空負澹湖月色深

按嚴元博歸安人康熙庚辰進士官繁峙縣知縣見玉笥山

一房集

錢維城十六日晨達温州余山集

潮駛三更落風平一葉輕晴巖明海色寒樹雜江聲鳥語宣山寺

人煙護郡城為耽遊興好遲爾半帆程

謝昆永嘉樹經堂詩集

為愛題名翠壁間家風賢守六朝山年來無復西堂夢池草經霜
兩鬢斑

胡寧載留別同人時客永嘉明年北上春闈

為愛桃源始問津偶於湘水動經春楚天寒雁雲中杳吳地煙花
夢裡新容易老來彈劍客再難別去論文人遙遙後會知何日北
望長安再晤君

是人賓笑吾聊肅舊事琴書轉寂寥細拾昆蟲箋雨雅強拈花草
註離騷三秋夜雨愁潘鬢二月煙爐瘦沈腰誰道東風工著作客
窗無地種芭蕉

半生落拓德難成銷盡鋒芒語不驚齒頰失靈長缺冷文章無用

負元輕屢因貧賤疎親戚每厄饑寒仗友生安得王郎江上遇來
風一夕到鄉城

甌城春草漫芳菲日影遲遲燕燕飛負我丰肩三尺劍別君千里
一身歸江流月靜鐘聲遠海浦烟濃樹色微應識交情深別後相
親惟有夢魂依

胡應魁惡溪丹陽人乾隆甲辰進士淡水同知

連山夾深溪溪水隨山曲奔流勢鬱怒亂石爭抵觸激盪起欲飛
沸流如噴玉小艇逆流上大似弗所欲奔騰力撐拒洶洶勢逾酷
舟子裸刺舟牽挽苦踏踏水怒曳繩轉倒行驚失足此處路何艱
險怪難停矚何當挂帆去一趁長江綠

曲向詩綜公字岳青又有石門瀑布詩

于敏中贈曹印浦川

習習清風拂曉寒國香吹送谷中蘭東嘉誰復論人物應有才名

歷建安

按印浦遺稿川宗人府教習乾隆庚辰以知州用

程浩之任黔中寄別曹印浦

夜即筮仕簡書催結駟都亭折柳回重憶十年前話別瀟瀟今雨
獨君來

芮復傳觀察贈曹川

流臣往事似依然筆墨相投信有緣但笑文章知有我漫悲時命
盡由天升沉莫問石崇谷清白還輸劉寵錢屈指前途須努力共
期猛着祖生鞭

威學標樂清道上集杜

城峻隨天壁川平對石門斷橋無復板寒水各依痕興趣江湖迫
沉埋白日奔哀歌時自惜作客信乾坤

又周泊莊明府招遊虎邱舟中具女樂集杜

哀絃繞白雪朱袖拂雲和
高宴諸侯禮佳人絕代歌
盡憐君醉倒數問夜如何
天上秋期近清光應更多

又溫州晚泊集杜

孤嶼亭何處看山仰白頭
翠深開斷碧江滿帶維舟
鳥雀江村暮寒蟬碧樹秋
未成遊碧海心折此淹留

鄭雲弔郡試諸生舟溺飛雲江溫郡字楓人江南人

乾隆辛丑初夏郡試諸生夜過飛雲渡舟沉死者十餘人
其中有孀在堂者有新婚數月者後二篇特為著明信深
悲悼云

郡試懸期在麥秋幾多童冠挾朋儔野航重載交相誤
羅刹紛拏半不留祇望禹門龍欲化何堪精衛鳥同遊
騎鯨仙客如來訪應

惜諸君志未酬

復薄臨深昔詠歌君今何事蹈風波未從鹿郡黃堂試
番向蛟宮黑夜過行客傷心思宛在游魂連臂恨如何
濁流曾作清流禍此比清流禍更多

北堂昔號未亡人為子三遷細卜鄰畫荻年來勤做訓
采芹日望作家珍衣袖不戒成疎失襁褓空勞歷苦辛
遙隔飛雲江一渡泉臺無計慰慈親

燕爾方歌問葉砧挂帆破塚杳難尋絃調琴瑟期偕來
曲變箜篌惹怨吟鸞影孤棲情慘慘蛾眉雙蹙淚泫泫
柳州哀溺文猶在好付閨中代寫心王朝清雨窗瑣錄

韓錫胙題永嘉夏聖來園亭青田人

老樹籠芝蓋垂藤碍客襟鳥啼青竹暗魚戲碧霞深
瘦石花間鶴鳴泉雨後琴此中有佳趣不必覓山林

帆檣

姚梁甌城麥秋

山色古東甌危城控上游江空孤嶼濶潮落海門秋煙水縈千樹
帆檣近戍樓從來遺宋事誰識旅臣憂

徐銓和周榕齋明府九日遣懷原韻

楓梧蕭瑟不禁秋有客憑高寄遠遊過眼雲烟齊入畫滿城風雨
獨登樓棠封舊繡千家佛酒國新除百里侯贏得菊花滿頭福朝
簪遮莫暫時抽

高樹勳題且園紀勝詩後

玉屑霏霏破眼昏風流寫盡柳花魂山園吟到如椽筆名遍東甌
遠近村

高鈞集句贈廖古檀太翁

縹緲峰頭積翠昏千秋餘韻沁神魂閑憑東閣吟詩興繞遍山青

水綠村

汪茂先在東甌觀察高公署中晤古檀廖明府集倚杖吟句

敬贈

水畔樓臺樹影昏

高公令伯且園公所建
冠綠軒先生與余同寓

披襟一慰各天魂春風

悔不携雙槳來訪莼鱸稻蟹村

徐廷璽奉和古檀廖前輩村字原韻

百忙世事只朝昏清賞能娛文字魂携得山川歸杖底春花秋月
滿前村

張秉鈞奉次古檀明府村字原韻

大旗日落戟門昏燕寢凝香繞夢魂那識看關二千里山園鷺堠
水環村

徐秉文奉和古檀明府村字原韻

風捲甌波宿霧昏聽潮細散水伶魂騎鯨仙客邀青眼剪取吳淞
畫舊村

廖安福隨晴溪太世叔涖東甌觀察任集家祖倚杖吟句記

程

迷離繡谷萬花昏鈴閣吟消午夜魂六幅屏山三尺絹碧雲紅樹
老東村

袁枚偕高苕發俞運昌兩秀才登華蓋山

相傳容成子飛昇在華蓋於今四十年仙跡宛然在蒙泉水一泓
清絕殊可愛當門五粒松古極形多怪走登大觀亭始信東甌大
青青萬畝田縱橫如畫卦濛濛幾片雲山腰橫作帶日未周八瀛
心已窮戒取海來胸中將身放天外

姚必觀詠懷時謫山東

生理當今昧艱難却慣經天南人已北髮白眼還青賊妾於能蚓
癡兒解愛螢今宵燈火缺課讀隔床聽數載秋風裏堆愁可築城
故鄉天地濶流寓水雲輕圖報勤兒課營眠懶世情風波回首處
月上怒潮平

嚴殿諤東甌雜詠

籃輿竟日歷崔嵬最喜今朝霽色開山到樂清看不盡黃柑又過
館頭來

卍字闌干亞字墻調煤傅粉復雕梁如何四壁惟編箴引得春風

入洞房

原注溫俗壁用箴籬
風入如露積

江衡游環山

胸中邱壑負奇癖六月徂暑梯層巒筍輿烏觴炙風日面目黧黑
筋骸酸到城雙足未及洗急尋洞壑披襟禪郭門西望盡蒼蔚團

迴週密如連環斜穿一道浸谷口別有境界開心顏要覓白龍瀑
穿石隙斑駁金臺石尊溪墻菖蒲幽草紛爛漫叢篠雜樹相撐攢
數年閱歷半逼仄此境僻陋猶為寬山重水復路屈曲高高下下
窮躋攀從前防海失地利東西二監皆凋殘虎豹銛牙封豕毒萑
苻草澤藏奸頑濟勝縱具百輛夜飛舸難渡三盤灣丙午有詔開
海山按舵始見青嶺屹屯田使者五所官放衙公事了不閑聞我
獨自來遊般預飭行厨具杯盤陶然取醉依旋滾水珠濺裾憎晚
寒嚴城打鼓月正彎歸去郭門尚未關

陳世榜乙巳都中與周泊莊小集

我聞坡公言人生如飛鳥豪情動江湖俠遊思燕趙屢着祖生鞭
再獻卞和寶悠悠河北塵歷歷畿南道槐市月正明橋門花自好
雅負邱壑心未忘孤矢兆舊雨仍團樂清風無繚繞坐對無溝渠
同心在紆編聯吟綽歡娛武事嗟潦倒分疆窮益堅割席氣何少
生平慕阮嵇此日見管鮑所喜玉成多豈慮知遇少得君新遠志
舒我懷舊抱雪後燭影紅傾樽同浩浩

姚梁奉和畢大中丞闡中卽事

西京文物邁當年選佛經中紀大千四塞河山通鐵磧三秋風露
散金天香生叢桂甯招隱瑞兆聯奎史聚賢最羨鯤池高擊浪近
從鰲背契真筌

衆裡掄才貴得真品題要遣出風塵音傳焦尾琴逾古筆到添毫
畫入神 卷不須頻戀舊乞衣原自各爭新多情我最憐秋水露
白葭蒼宛有人

筆有銛鋒字有稜詞場酣戰託吾曾榮名共寶豐年玉先路原憑
暗室燈每憶囊螢空影冷纔拋席帽敢心於持衡屢荷恩綸重蚊

負蓬山恐未勝

窗間散帙影紛紛手別清缸水漏聞未必朱衣曾注籍豈無丹篆
自騰文客星槎拂河流近仙掌蓮開岳勢分韋杜城邊天尺五好
偕太史奏卿雲

屠倬贈潘虹橋同年

白首論交此日纔廿年前海失奇才情移海水天風外句挾河聲
嶽色來兩月絃歌動江表一燈風雨話蘇臺板輿正喜花前奉好
把桑陰到處栽

曾衍東甌城漫興

仙巖雁蕩古稱名欲便登臨不遠程拚得罷官何用忘托為思過
敢為榮百年吟咏老榕草半世功名小豆棚見說浙江潮有信潮
來潮去幾時平

沈悖彝溫溪待潮至郡城候啟門而作

湖州人淮海觀察

灘多未許客兼程怪道溫溪有惡名欲速偏遲胸悶鬱久離將聚
夢分明三更潮落催雙槳千里人來隔一城祇待金吾魚鼈啟江
心寺畔聽鐘聲

又甌郡學署作

果然詩讖兆先徵今許道遙雁蕩登

原注前年有他年雁蕩探奇
秀首藉同嘗味更滋之句

喜得天倫東道主草池同看碧波澄

原注府學署有一鏡池

書黃漢偁詩冊後

信道詩人有別腸天然聲韻合宮商瑤池初日芙蓉麗水草芟除
花更芳

客遊回望白雲深負未歸償侍養心忠孝原為詩教本家山隨處
好行吟

鍾憲堯送黃鶴樓歸永嘉

鍾字湖盍仁和諸生客樂清令劉榮玠幕中

萍蹤聚散總前因
同向天涯寄此身
難得春風桃李日
詞壇壁壘一番新

正擬騷壇迭主盟
無端風笛作離聲
歸程此去秋光好
助爾狂吟詩思清

甌江四面好峰多
憶昔揚舲幾度過
為我殷勤相問訊
東嘉山色近如何

不多時別各西東
異日相逢情更融
莫悵雲山峰疊疊
月明千里賞心同

梁受錦送周仙舟之維揚

莫謂湖山隔相逢
定有期願君從此去
到處遇相知
夜月澹如故
玉簫空所思
客中人送客珍重
立多時

接受錦字清泉永嘉人寓居蘇州城

陸景華中秋前一日同人遊飛霞觀時新修甫畢

仙人舊館快重新
蠟笈偕遊乍向晨
半壁亭臺濃入畫
一林風露淨無塵
誰招白鶴尋遺跡
如訪元都話夙因
未識毛公壇在否
乘霞來隔幾由旬

泠泠磬響出巖阿
壞磴頽簷幾度過
仙嶂忽開新院落
女牆猶繞舊煙蘿
平分秋色逢佳日
倒影嵐光漾素波
玉宇瓊樓今宛在
擬賡水調繼東坡

沈彝銘永嘉南烈女詩湖州人

有鳥有鳥丹穴鳳
毛羽修德性良寔
脩為理求青鸞文
定乍得牆東主
尚未比翼鶼鶼翔
雄兮變滅隨杏殤
孤鳳聞之悲斷腸
日夕涕淚沾衣裳
誓必從死無餘望
屏絕簪珥洗靚妝
甘就碎穀麾稻

梁鄰媼譬解姑終喪勉進溢未慰高堂聲息不聞禮自坊三載偷
活形神厄怪鴟啄月烏啼霜東飛鴛鴦西鵝鷓黃狐踞立白跳梁
鳳也日擊其披猖心驚膽裂如憂傷父母勸駕又在旁無可置喙
難隄防河大水深日出當宋魯之隈殊汪洋彭咸遺則中心藏厥
志素定非倉皇天上之月地下郎心中皎皎懸中央忠臣烈女不
易方乾坤正氣垂休光此事嘖嘖騰梓桑永嘉縣境建牙鄉南家
有女名姓香良玉比潔蘭比芳風厲薄俗懲鼓簧所惜無人為表
章幽魂結轆嗟悵悵太邱憫之椽筆昂揚懿倣詞加詳主持風教
仗固蒼更謀佳傳徵揚青田端木鶴田賤子薰葭滯一方浙東西
距阻且長側聞高躅心傍徨恨我老病增頽唐墨枯筆朽難揄揚
聊先志乘為祗棟詩成附彼浮海航甌中淳樸美土疆畸人傑士
多騰驤卽論烈女亦非常更生傳內相頡頏鴻雁傳書助淒涼仰

視白日浮雲忙

黎應南偶成 字見山平陽令

此生非蜨亦非周人海茫茫認一漚紅燭照人憐故我青山招隱
悞扁舟名華供養娛千佛大海浮沉夢十州泡影模糊雲影散忘
機隨處弄浮鷗

吳道熙五美園曉起 字春臺江南人
隨父流寓溫州

獨有羅峰寺朝來氣倍清山高塵夢斷夜靜道心生殘月澹僧影
晨鐘灑瀑聲憑誰證禪語細與佛論評

陳述經池塘春草歌 溫同守

離離者草若有情年年解傍池塘水邊得氣春方到夢裡懷人句
已成佳句流傳在人口跡與池塘存永久漫道枯榮一歲中曾對
南朝賢太守太守南朝著作才初日芙蓉筆底開樓頭送客頻延

佇池塘寬句屢徘徊裁詩欲寄惠連弟腹稿經營方苦思薜蘿未
效澤畔吟蘭荃忽得騷人意一笑詩成是夢中天然神解若為通
自諧園柳鳴禽趣不用縷金錯繅工從此榮華被春草裙腰書帶
年年好何必餘妍借落花居然三秀生瑤島無何太守去東甌揮
手王孫未可留江鄉風雅誰為主草自叢生水自流今來寂寞池
塘路為問何人得新句離離者草若無情空閱春朝與春暮行當
移時傍龍津萋萋葦葦路及時新池塘點筆搗芳藻定有飛花入夢
人

金寔翰墨林七更有序

翰墨林者永嘉謝君圖書之府也君以和粹謹飭被眷遇得美名
於縉紳間藉甚性嗜清玩蓄頗富嘗名其齋曰未家舫少傅東里
楊先生士奇易以今名而記之予乃為作七更極其辯以進於道

可少也先生曰寓意於物而不可留意於物此先賢所以恐泥也
敢請大之主人曰陶寫性靈妙在得句物情人境動合天趣模擬
之精推敲之至晝或忘寢宵恒失眠窮極彌工思之愈異神驚鬼
泣造物所忌我思古人高不可企先生曰風雅遼濶正聲微茫競
趨靡麗大樸日亡矣安得擊攘以反渾龐

主人曰經緯天地轆轤後先用與正通體隨世遷秦漢雄深齊梁
駸駸韓公倡唐衰弊特起甌蘇曾王鳴宋之盛及今賴之矩矱由
正今之作者秀出如雲昭回河漢炳耀星辰鈞天合奏鸞鳳和鳴
山輝玉蘊淵媚珠呈走將漱其芳潤咀其華英寤寐於茲林之下
不知歲月之虛盈也若是如何先生曰近之矣而猶未也文以載
道匪以詞工上師聖人吾將子從

主人撫然曰命之矣聖人之言世謂之經囊括宇宙含照生靈未

暇細論略陳其名易備陰陽造化以明書言政事治功乃成感發懲
創詩本性情無序不和禮樂由興春秋撥亂王法權衡學庸論孟
規矩準繩猶如菽粟布帛之征一息不繼民不得生浮文勝質奚
利攸行走將膏吾車秣吾馬由伊洛而溯洙泗而復吾夫子之庭
不知其不可也先生離席而立降階頰首請先羣經旁藝居後以
翰墨林為道淵藪

溫溪泛舟至永嘉

浙江學政劉鳳詒金門
江西萍鄉

春雨甌江潮倒生永嘉山色曉相迎牛毛短樹連岡出翠毯新秧
截隴平東晉旂旄開海國南閩樓櫓瞰煙城便教滅盡孫盧種那
用戈船十丈橫時捕蔡逆甚逆

平陽諸生公牒乞留縣官成口號示之前人

十四年中十四官送官容易挽官難馬行風逆牛行順蠶要天溫

意劣辭庸視古之作者固未免有捧心之誚要之發乎情止乎禮
義庶幾而不差者也

覺非先生久客闌闌心厭喧囂任松堙鬱思若無聊安得絕境於
焉逍遙滌濯煩襟以永今朝聞永嘉主人有翰墨之林曳杖予子
者復空谷足音楚然主人出速不言心喻盼睐以目升自賓階少
叙寒燠

主人曰噫走也是林不資於地匪窮於岑無松之盛非柏之森駢
羅圖書錯置琴瑟斐几萬籤上下古今文房百玩觸手可尋少安
無躁願陳至今於是拂几正席焚沉熟蕙緩宮急羽高卑以序魏
魏洋洋無不加意長清短清猗蘭飛佩五曲九音纒纒可繼先生
曰美矣哉太古之聲矣然鍾期既亡伯牙絕響箏笛之耳未能得
其尚况母勞爾為也

主人曰唐虞至聖予不得與記物設教啟其聾瞽以局必方象地
 之則以道必正神明其德有白有黑曰陰與陽互陳錯舉雲漢其
 章防危補罅料敵審己負不可債勝不可恃兩雄相值乃見勁敵
 龍蛇成陣虎豹堅壁雖曰小數有至理焉無所用心為之亦賢先
 生曰君子不操勝心毋作機事此孤山處士所以鄙之也願聞其
 他主人曰書契初成鳥跡茫昧科斗再變乃有分隸斯邈之下鍾
 王軼出唐臨晉帖如蹈一律狂僧顛史聖入神蘇黃米蔡各自絕
 倫真跡閉存初刻咸在默畫使轉折旋相背背窗淨几目玩心醉誠
 一快也先生曰儒者於書最近事然一好着亦能喪志吾未暇焉
 主人曰五色作續自姚似後世因之畫事由始晉唐以降好尚蜂
 起顧吳荆關董郭王李入神造妙區別品第耽嗜成癖千金莫易
 芳清流貴動丹宸適情遊藝動含元理宣和纂錄寶鑑有史似不
 麥要寒毋使詩篇刺牙角可忘禮義出衣冠雙鳧又向東門去慙
 愧輜軒局外觀

渡河寄周海州泊莊

湘潭張九鉞度西陶園全集

不唱笙篌曲東風吹度河江南明月盡海上碧雲多對酒思良友
 停絃憶舊歌長安今又去白髮奈人何

哀友十首

東南文傑數周郎

永嘉周伯莊

百斛明珠百寶裝長梁推摩雄敵壘短

衣跋扈少年場浮沉江國空 吏寥落京華少報章大海君山垂
 手別擘鱸煮蛤費思量

韓君碧海掣鯨魚角勝文壇氣未除南海一軍前隊却東方千騎
 上頭居生前久已符公論死後翻令得謗書鬪酒梁谿成往事僧
 房夜雪更愁予青田韓錫胙

王漁洋弔永嘉令馬公琬

武功天一握家世右扶風豈意逢天醉翻令作鬼雄太常新議謚
御筆昔褒忠萬古金鰲背靈旗下海東

見蠶尾續集

和沈麟洲元滄以詩紀盛云一官迢遞到巖疆閩海烽烟正擾攘
此日陳豨終負漢同時南八自忠唐三年亂楚定聞家祭兩字
名尊慰國殤廟社靈旗應儼在清魂千古戀同鄉

吏部主事太倉唐孫華弔馬忠勤

青袍白馬塞甌閩一命官卑大義均豈有兵符魔士卒要將全節
感臣鄰君王未識真卿面戰陣甘捐軀身尚念天恩未酬答生
兒留作報恩人見東江集

蕭山沈原洪寄和永嘉曾七如

山色特澄濛湖光亦浩渺風景恰宜人只比西湖小見虛舟集

外上

宋

錢文子玉甌峰

巖下碧藤掛紫烟巖頭白石插青天精靈已往仙鄉去一劍霜寒
二百年

元

張天英題萬竹園

遠近陰晴萬玉竿渭川何在綠雲寒硯坳飛墨如飛雨白髮蕭郎
仔細看

鄭東題宋高宗畫扇頭

御題云萬木雲深隱
千山雨未開

多時海上日光催猶道千山雨未開總為浮雲能障斷龍沙不見

翠華回

薛漢題桶底圖

蕊珠宮闕見豪釐中有羣仙按羽衣莫訝此圖天地窄黍珠境界更希微

邱天佑玉甌峰憶李少和

集真仙觀着黃冠玉甌峰高拂曉看黃葉滿山霜信早白雲歸洞水聲寒妖猿遁跡松陰靜野客經行石路難欲拜仙人無覓處青衫空自裹闌干

王健樂清道中

雨情驛路淨埃氛鳥弄漁歌到處聞山迴樹陰穿落照江空帆影亂行雲天關四面樓臺近地脉千洞壑分却愛巖亭堪把釣談心翻愧白鷗羣

上

荆

張孚敬江心寺火

愁見中川皆赤土却留雙塔自摩空眼前殺盡千年景江山無消半夜風幻化物情今日極浮沉天地有時窮咸陽宮殿都休問金谷銅駝也棘中

林增志寄太平林處士

廿年不改舊冠裳姓氏知曾達廟廊遺世惟耽陶令酒杜門甘老管甯床一枝梅吐孤山月半部騷歌楚澤霜長夜漫漫渾是夢相逢何日話滄桑

漢按太平志林處士名茂字長禧

趙士楨玉甌峰

燭龍乘夜度羊腸歷井桐參過上方碧海雲生迷若木紅爐九出見扶桑僧歸梵宇星河近猿去山門歲月長廿載風塵勞夢想持

鷓不禁思飛揚

張書紳玉甌洞中懷侯二谷

落日雙鳧烟霞裡道人醉卧玉甌底醒來却憶同心人一片寒雲隔秋水

楊森秀桃花嶺遇雪二月十九日

山小處處凍雲遮六出飄英路正賒祇見風中飛柳絮頓教嶺上失桃花詩思如何驢子背客心爭似剡槎溪僕夫笑指寒烟外東渡東頭有酒家

馮文煥漫興在咸陽宮作

何處新詞唱竹枝才華迸發及花時白蓮社飲陶潛酒黃鶴樓題崔顥詩三徑春風和笑語一泓秋水沁心脾相看兩袖郎當影每向人前藉護持

孫希旦寶香寺巾卓侍郎

碧血傷千載青山繞舊村一朝能養士七族竟啣冤古寺騎牛路清風化鳥魂徒封遺跡在流恨滿乾坤

張元觀書懷

萬里尋春向日邊海棠雲落憶愴然古輸鶯巧當三月跡類萍浮又一年切玉空磨周穆劍通神難繫魯褒錢近鞭蜥蜴求霖雨誰起驪龍江上眠

又懷程菽濶

應向南天憶故人勞勞帝里跡留塵上窗梅影相思夜落澗飛花寂寞春久不覺香蘭臭味磨逾見白玉精神魚鴻頻促名山駕廊廟方須席上珍

如水情懷耐索居不飛片紙慰相思莫愁冠玉終無驗且喜分金

却見知眼界直能窺世外肚皮總不合時宜故人珍重無他語甘
雨和風是我師

曾立勲捕虎行為少尹麗齋陳公丞慶元作也

有虎有虎慶元地猖獗北鄉無顧忌張牙露爪淒風生况復成羣
添之翅竹口村民心膽驚居者掩扉行者避晝則絕耕耘夜則勞
夢寐負隅莫之櫻袖手誰攘臂吁嗟麟趾世所珍吁嗟騶虞邦之
瑞仁人立心惡不仁赤子忍教屠猛鷲樂只君子陳公來父母斯
民勤撫字清俸一朝損獵戶如期至弩矢入山深旬餘三虎刺寢
皮食肉樂民生將鬚復尾莫不予唾口碑載道稱神奇欲識大行
占小試猗歟鸞鳳公之姿猗歟鷹鷂公之志行看駐節埋車輪當
道豺狼不敢肆見丹橋遺稿

李錫齡孟姜女祠

不字誤衍

二世亡秦日千秋有益姜貞心惟石在遺恨比城長海月侵衣白
沙雲壓面黃一雙含血眼終古向西望

黃厥昌春暮尋陶貞白丹室

仙境人初到花飛春已深白雲橫舊嶺丹室隱重林不見金銀氣
惟聞山水音浮生為物役暫爾寄幽心

陳永齡別同僚

時任諸暨教諭去任

潦倒窮途老鄭虔一生辛苦種書田宮牆慚愧三千士升斗句留
十九年硯比琴樽新結契甌東山水舊因緣渭城幾疊傾杯酒惆
悵征帆掛暮烟

又春日漫興時在京候選

春風吹夢落天涯故里鶯聲負歲華句裡雙魚遼海濶愁邊孤雁
夕陽斜一年客思如中酒二月春寒未見花深院擁爐看積雪隔

墻兒女笑聲詳

柳未垂絲草未芽誰能騎馬出塵沙
寒風寒雨偏將恨青水青山
獨憶家旅雁倦知還故土好鶯啼不到京華
兒童曉起傳芳信已見街頭賣杏花

張正宰秋懷呈胡象川 光耀烏牛人

寓硯同松麓悲秋還讀書雨荒丞相第
風肅諫臣廬路直朝馳馬塘斜晚捕魚
君看城市舊何似我生初聞愁秋雨細
遠憶夕陽空可空憐孺子深談憶乃翁
茶甘上井水松响入樓風此外浮雲變
金錢奪化二

又新秋卽事東象川

舊雨尊前詠寶刀閒身贏得手持螯
潭晴霞綺當杯落樓迴松濤湧檻高
桐葉愁隨人去住秋花秋入鬢蕭騷
與君飽看西山爽不

頭銜署馬曹

江城明月又團團照見先生首
霜盤新貴才名人耳熱故交零落
客袍寒頭蓬頗覺慙兒子木稼應知
怕達官四府龍公眠不起放生池水
汲先乾

陳敬修登許峰

不畏披荆棘登臨萬仞巔身離天尺
五目小界三千潭水龍應伏仙人鶴未
旋烟凝山色暝步復尚留連

僧淨名讀張訊渡新秋卽事詩有感

廿年心事總相關照影恆河似舊頑
乞食難辭桑下戀蓮斤誰比郢人爛
司空賞雨芳簷靜坡老參禪鎖院閒
虛却玉堂揮翰手相期射虎到南山

周學潛真華觀雙松歌

雙松十尺皺龍鱗形相古秀根輪困大谷倒生或堪類其餘凡質
鳥足論蒼皮葱蒨滋雨露鐵柯屈曲含風雲上騰靈氣入霄漢旁
列羣木如兒孫清陰覆地曠無際鬱然青旭迎朝暎天材應有萬
物護大匠不敢施斧斤托根乃在珠宮前涼風諛諛來羣仙昔者
張郎雅愛此嘗構精室於西偏明張孝廉叔相讀書於西偏願曰雙虬風晨
雨夕輒相對閒情野意恣留連至今遺跡安在哉但有荆棘埋荒
烟奚回思奚必增太息盛衰自古當前眼此中華屋半易主豈獨
區區此一椽松兮挺立百千載幾見滄海成桑田

黃巢松銅雀臺瓦硯歌

銅雀高臺枕漳水碧瓦參差傍雲起阿瞞才略本非常翰墨兼成
曠代美一世之雄安在哉荒臺歷劫生荆杞可憐賣復與分香英
雄難拋兒女腸遺命酸辛不忍讀空留殘瓦隱夕陽今日臺荒誰

是王當年臺瓦工陶土曹家兄弟盡奇才燃箕煮豆裁詩苦何不
聯吟上此臺徒令宮娃誇樂府惜哉此瓦真硯材不近詞章近歌
舞行人得自鄴城邊琢雕成硯可磨研端溪歛井何堪數古色斑
斕滿眼前小窗靜試廷珪墨一片輕痕膩若烟篆文銘款何人記
依稀尚有當年字莫將瓦屑等閒看曾閱興亡無限事未央宮瓦
認難真此硯看來眼轉新風塵老盡無殘缺呵護還疑有鬼神硯
手硯乎我問汝橫槊賦詩稱盛舉舳艫千里下江陵赤壁山邊飛
烈炬此時此事汝應知千秋遺恨當何許敲碎唾壺硯不應言風入
紙窗作人語吁嗟乎曲午運熾當塗殘尺土何曾歸建安賴有區
區一方硯長作文家之寶看寫盡長歌墨瀉寒

馬芷勝夏日閑意

何處涼堪納池邊雨過宜病猶難禁酒貧却未工詩長日看山好

良宵坐月避利名身外事神定不須馳

黃青霄讀林霽山白石樵唱集

臨安半壁王氣空疊山之節文山忠猶有遺民霽山在黍離故國
歸秋風六陵草沒無人顧先生采藥越人去為護蛻龍築一坏夢
魂時繞冬青樹回首銅駝荆棘間風塵兩夜去復還歸來栗里老
元亮賦就江南愁子山正義英風自終古慷慨悲吟泪如雨殘山
剩水有知音晞髮西臺謝臯羽男兒恨不建奇功逸情磅礴橫蒼
窮人生出處各有道西山採薇將母同我曾讀史墓前哲長誦公
詩更嗚咽義士一去天蒼涼桑梓千秋緬高節

陳舜咨湘江詞三首丙寅回程作

旋吾棹兮湘之流弄湘波兮渺素秋芙蓉開兮木末杜若秀兮中
洲望夫君兮何許獨寥落兮寡儔羌曠目而長睇兮恍寔裳以來

遊我將以青絲為君筏兮以紫桂為君舟君不來兮日暮日暮兮
風颼颼一歌兮使人愁

又

河之曲兮漢之口停遠望兮良久弄潺湲兮素波念夫君兮別後
我將解湘君之珮也授鄂君之手我將烹武昌之魚也斟宜城之
酒君不來兮如此邂逅二歌兮臨風而搔首

又

洞庭秋兮木葉黃日黯黯兮天無光蠓亂春兮鱷舞飛廉隅兮石
尤狂水有含沙兮陵有饑狼草有王虺兮木有奇鶴野蚊鳴味兮
壺蜂垂芒君兮君兮填爾行羅衣單兮夜正長三歌兮淚霑裳

王朝清七十誌感 碧泉稿

宇宙蕭然寄一身鏡中鬚髮白如銀精勤空勵三冬志庸碌虛消

七十春斗室安居天地濶
簞瓢聊樂聖賢貧
案頭刺有經書在
貽厥孫謀遜後人

潘宗瀾贈戈樵雲二尹

衙齋清敞樹交檐
小住卿孃吏隱兼
臚列敦龐啟積安
排書畫畫垂簾
臨流洗硯情懷暢
退食焚香夢境恬
吟席一方清似水
涼宵無事月明檐

張柔木題黃鶴樓詩稿時有山左之行即以贈別

停雲落月繫遐思
幕底紅蓮識面遲
千里聲名三寸筆
十年蹤跡一囊詩
於今此事推袁虎
到處逢人說項斯
我是橋邊進履客
喜從黃石訂相知

雙巖如電過巖端
頰上三毫畫裡看
習氣全刪名士癖
多情合得美人歡
詩瓢酒榼逢知己
劍匣書囊謁長官
行盡東南名勝地
胸懷眼界自然寬

手澣薔薇漱玉漿
瓊葩捧讀字皆香
桃花水上春愁重
芳草堤邊別恨長
烟月不妨供笑傲
江山真箇助文章
涪翁筆力江西派
信是君家最擅場

又春草和寧小槎

一寸相思一寸苗
美人相贈抵瓊瑤
心驚塞北春初動
目極江南路更遙
故國山河空寄恨
異鄉風景不堪描
玉鈎斜畔逡巡立
曾否香魂有客招
不論山程與水程
淡烟疎雨最關情
共誰蓬鬢參差綠
似我愁心次第生
裙屐風流憐往躅
輪蹄辛苦怨長征
天涯令節經偏慣
又聽吹簫喚賣錫

按小槎江南人時客余郡守垣菴幕中

丁鍾英乙未出都作二首 字蘭石瑞安人乙酉拔貢

衾鐵被被夢不成幾番車轍趁雞鳴馬馳殘月沙千頃人卧嚴霜
夜四更北望轉思行路險南來漸覺客愁輕今宵穩在舟中宿一
枕潺湲聽水聲

枉把瓊林詠四愁淒清霜月照揚州荻蘆瑟瑟江南岸楊柳依依
水上樓幸共鄂君青翰舫深慙季子黑貂裘浮雲富貴終難定且
為萼鱸一散憂

張穀生述懷寄友 名沛洙水邑庠生

閒愛園林伴老坡相思不見醉顏酡一心惟拄看山頰數載無聞
斫地歌酒量知緣邀月好琴聲聽在拂床多故人寂寞秋江上來
興何難一葦過

趙岷樂題柏舟清咏集為陳母鄭夫人賦 樂諸生中和集

瑤臺冰雪黯寒雲嗚咽星霜不忍聞春樹啼鶯殘雪冷畫梁乳燕
夕陽曛和丸嫠緯聲初歇剪燭霜悵夜未分泉穴餘生何足惜從
容九地可逢君

徐凝弔鄒欽堯

皂蓋除旛感悼多中原誰挽魯陽戈仲連抗節投東海正則懷沙
赴汨羅氣作秋濤駟白馬魂隨夜雨泣銅駝浩然樓上呼文相把
臂惟應喚奈何

又弔葉天章公終於端陽日而作

生死前朝一布衣江山滿目淚頻揮佯狂詩弔亡殷壘慷慨歌留
義士薇朱帽讖傳天宇蹙白虹氣貫日光微忠魂肯倩絲為續鼎
鑊于公未似歸

鄭之良弔陳觀察丹赤

三春烽火動甌閩千里邪氛壓海濱自昔讀書期報國臨危首策
重安民可憐赤鍔含冤日不信盧龍有賣人繼執常山留正氣獻
城媿殺叛盟臣

潘虹橋宗耀輓建成將軍胡大總戎振聲

古已無存罵尚聞天朝真有死將軍肯教氣為鯨鯢奪恨不生殲
螻螻羣臣節至今垂懍懍冠裳從此從紛紛賊有以殺天朝大將為懼者從此勢遂離
怒翻海水澆公膺魂魄還能作傲雲見五梅一硯齋詩鈔已上編

甌來補卷十八

遺聞

歐大任百越先賢志嚴助會稽人東嘉黃漢鶴樓纂輯事武帝見任用閩越兵圍東甌

東甌告急於漢大尉田蚡以為越人相攻擊其常事不足煩中國

救也於是助詰蚡曰特患力不能救德不能覆誠能何故棄之且

秦舉咸陽而棄何但越今小國以窮困來告急天子不振又何以

子萬國乎上曰太尉不足與計吾新即位不欲出虎符發兵郡國

遣助以節發會稽兵會稽守距不欲發助乃斬一司馬諭意指遂

發兵浮東海救東甌未至閩越引兵罷

稽神錄閩王審知初為泉州刺史後尅晉安盡有甌閩之地傳國

六十年至于延義立為左右所殺遂滅

傳按通鑑註云審知自福州坪過温州坪取台州坪又十國

春秋審知常乘白馬軍中號白馬三郎

陳士元夢林元解林溫生於延祐丁巳八月八日至三歲名榮祖十二歲更名溫又十歲當至正壬午以春秋經試江浙鄉闈第一董彝第四董朝宗第五朱公遷第二十八溫授奉化州學正丁亥之官會董彝亦為慶元學正彝曰吾大父昔得奇夢記諸籍云丁巳年九月七日夜夢林溫作魁朱姓人鎖榜第四五人姓董其最異者溫生甫一月耳

管窺輯要宋高宗紹興二年二月溫州戒福寺銅佛像頂珠自動光彩激射經日不少停數日大作寺焚元史胡長孺傳永嘉民有弟質珠步搖於兄者兄妻愛之給以盜屢訟不獲告時海寧主簿胡長孺有政聲因往告焉長孺曰爾非吾民也去未幾方治盜長孺族盜誣兄受步搖為贓逮兄赴官力辨數弗置長孺曰爾家信

有是何謂誣耶兄倉皇曰有固有之乃弟所質者趣持至驗之呼其弟示曰得非爾家物耶弟曰然遂歸焉

葉紹翁四朝聞見錄周端朝張衡徐範蔣傅林仲鱗楊宏中皆出

謹惟周受禍略備

原註後主不能詞

初自廷尉聽讀衢州已次半道有旨

再赴廷尉周始自分必死時憲聖在上韓猶不敢殺士故欲以計殺之周竟不死復聽讀永州杜門教授生徒後以韓誅放還復籍於學為南宮第一人自外入為國子錄以女妻富陽令李氏子親迎之夕有老兵持諸生刺以入曰我為國錄身上事來有書在此書入乃備述李為史氏云云恐他時先生館職駸駸天下以為出於李氏周愕甚入則已奏樂行酒周亟告女以故女以疾遽莫展日定情李氏子惘然登車去富陽令怒訴於臺因劾周去復入為太學博士不十年至從列

聖龕集明武宗朝命宦者出鎮各省刺史以下皆伏謁得便宜劾奏府縣非法事氣縱橫可畏也世廟即位年纔十六時永嘉驟相君臣契洽每上殿即命坐一宦者過殿下永嘉故改容起立世廟注視良久明日竟罷鎮曰張先生猶畏此輩況其他乎項喬甌東秘訓羅峰翁雖入相得君其家人常穿兩截衣服家有子姪放債踏箕算佔田害人嘗親撻而面罵之或令縣官枷號以警怙勢作威者此皆保令族人之道也

湧幢小品永嘉典嘉靖己丑試會元唐荆州順之狀元羅念菴洪先生且同道同心事座主不阿附亦不抗忤最為得體

潮州府志王十朋少時嘗至饒平岑峰夜半聞角聲起視莫知其處乃周覽山川知異日必有城其地者遂立石記之曰天下大亂此處無憂天下大飢此處半收

獨醒雜誌近年大魁多齊年本侍問趙汝愚皆生於庚申

清波雜誌淳熙戊申永嘉林氏分析有興制獄府皂本遠永嘉周和泰對簿誤逮周輝尋以解釋

陶九成輟耕錄飛雲渡每有覆舟之患有一少年放縱嘗夢神示曰汝壽止三旬且不得其正死於是自謂不久人世不娶妻不事生產輕財仗義為志嘗俟渡見一女子徘徊悲戚若欲赴水亟止之問其由曰我本人婢主人有姻事借親串珠耳環直鈔三十餘錠今送還於中途失去不能歸甯死耳少年曰我適拾得其穎數裝束悉確遂同造主人謝贈以資不受既而主人怒此婢遣嫁業梳剃者所居去渡咫尺期歲少年將過渡道遇婦人拜且謝即失環女也因告其故於夫強留午飯俄風濤大作先登渡者悉溺焉蓋少年能救人而造物亦以救報後少年以壽終渡在溫之瑞安

唐代叢書唐進士趙中立家於溫州以豪俠為事嗣娶劍俠荆十三娘為室

丁蘭石鍾英述胡四姐今呼胡四姐宋末宮人放還歸里居永嘉白塔地方饒資財有淫行終以此坐法死

豐城志並見熊峻運氏族箋釋徐鹿卿字德夫豐城人時宰嘗以甘言誘鹿卿退語人曰此牢籠也吾不能為宰相私人竟以事出起浙東提點刑獄史彌遠之弟通判溫州利韓世忠家寶玩籍之鹿卿奏削其官聲震朝野

考世忠子彥直守溫州時在孝忠年間鹿卿登嘉定第為浙東提刑在理宗時何以世忠子孫有家於溫者此事鹿卿傳中亦有之殊不可解

明歸化令華廷獻閩遊月記佟軍門撫閩謂受顧司成老師深恩

宗

以有今日顧師死難東甌已為迎春至省長公現在此顧閣部之長君墨衰赴嶺南東道云云

陳樸菴觀光片記吾甌曩有銀餅蓋沿宋元之舊故老云——國初時尚盛行銀餅似今洋錢而小無文字以星點多寡為美惡乾隆初年有採軍工木料於景慶各縣深山木戶尚有索銀餅為木值且出其舊蓄以示人故有知其製如此

漢按九十三翁陳松屏云番邦鑄銀為錢俗名洋錢雍正時未聞入中國乾隆十年後稍稍見之初皆細花續為人頭番因便於行使厥後愈多而愈盛至今幾遍東南數省矣

按張邦基墨莊漫錄今閩甌湖南皆傾金作餅行使聞之故老云洋錢之入中國已七十餘年矣便利固多然中國自可定制鑄造何可番錢蔓行中夏有世道之責者宜亟圖之

也歟

種書堂校刻集異編温州通判黃公忽夢四西瓜一開花次早出衙見三僧在市遂傳至衙詰問一老僧稱名雲外他名雲表雲際隨處行遊現住東門侯思止店又問以汝有四僧何止三耶命呼侯思止至稱尚有一雲中和尚在樓卽拘至詢係婦人名四美父名貴廣東南海人隨父赴紹興府為知事至一地方遇此三僧殺死父母及家人留妾裝僧今已半年實忍辱苟生冀得見官府申雪此冤獄定遞四美還南海貴家收養置僧於法焉

癸辛雜識樂清縣僧祖傑自號斗崖楊髡之黨無義財既豐遂結托北人住永嘉江心寺大刹也為退居號春雨菴華麗殊甚有寓民俞生充里正不堪科役投之為僧名如思有三子其二亦為僧於雁蕩本州總管者與之至密遂托其訪美妾既得之傑以其色

遂留而蓄之未幾有孕眾口藉藉遂令如思長子在家者娶之焉然亦時往尋盟俞生者不堪鄰里嘲諷因挈其妻往玉環以避之傑怒俾人伐其坟木以尋衅俞訟於官受杖訴之廉司傑又遣人以弓刀寘其家而首其藏軍器俞又受杖遂訴之行省傑復行賂押下本縣復受杖意將往北求直傑知之遣悍僕數十搶其家以來二子為僧者亦不免用舟載之僻處盡溺之至剗婦人之孕以觀男女於是其家男女無遺焉雁蕩主首真藏叟者不平越境擒二僧殺之發其事於官州縣皆受其賂莫敢誰何有印僧錄者素與傑有隙詳知其事挺身出告官司則以不干己却之既而遺印鈔二十錠令寢其事印遂以賂首至是官始疑焉忽平江錄事司移文至永嘉云據俞如思一家七人經本司陳告事官司益疑以為其人未嘗死也然平江與永嘉無干而錄事司無牒他州之理

疑益甚及遣人會問於平江則元無此牒此牒所為欲蓋彌彰耳
始移文巡檢司追捕一行人巡檢乃色目人也夜夢數十人皆帶
血泣訴及曉而移文已至為之悚然即欲出門而牒之黨隨至把
蓋而賂之甫開樽而瓶忽中裂有聲如裂帛巡檢恐而却之及至
地所寂無一人鄰里恐累悉逸獨有一犬在諸卒擬烹之而犬無
懼狀共逐之至一破屋嗥吠不止屋山有草數束試探之則三子
在焉皆惡黨也擒問皆不待槌楚一招即伏辜始設計招牒近兩
月餘始到官悍然不伏供對其中有僧普通及陳轆番者未出普
已賚重貨入燕求援以此未能成獄凡數月印僧日夕號訴不已
方自縣中取上州獄是日牒囚上州之際陳轆番出覘於是成擒
問之即承及引出對牒尚悍拒及呼陳證之牒面如土色陳曰此
事我已供了奈何推托至是始伏已行申省而受其賂者尚玩不

行後眾言難掩遂斃之於獄越五日而赦文若水時為賂官其弟
若木備言其事

桐下聽然萬曆辛亥温州磐石衛獲夷船二隻凡一百二十人稱
是安南國皆環目黑齒披髮衣衿無幅言語支離不通而文字不
異中國相見以搓手為敬吹箏葉作聲有清韻編竹為舟膠以木
葉舟軟如紙可掬其序立有尊卑魁然而紅昆盧者酋長也初見
人惟痛哭既而引見上官庭下偶答他囚相與惶駭股栗官發置
各僧寺十人為偶以兵守之未免飢困水土不服數日有死者酋
長為詩云微軀漂泊豈無家只為蠅頭一念差昔者已曾北闕今
朝焉得指南車夢魂自信歸鄉國骸骨誰憐沒草沙寄語妻兒休
問卜年年滴淚向中華上官見詩稍憐之為給廩餼後因朝廷遣
使封王奏奉飭送歸國

李正民乘桴錄建炎三年十二月二十六日民間謠言天子航海東來泊金鰲山下二十八日平明有十六人皆衣戰袍步自金鰲入寺凡留十四日始航海幸永嘉又留四十五日復航海幸金鰲提書至於是日由四明還紹興

趙彥衛雲麓漫抄己酉十二月五日車駕至四明十五日大雨遂登舟至定海十九日至昌國縣二十六日移舟之温州庚戌正月十四日張浚自台州來十八日離章安十九日晚雷雨又作二十一日泊青澳門二十一日温州港

漢按項遷之為甌東秘訓宋高宗南渡幸吾溫龍灣福勝寺聞蝦蟆喧噪取一鞭之至今寺內外無蝦蟆

浦陽人物志永康陳亮被逮罪且不測南伯強走東甌求救於葉水心備陳寃狀適曰子真義士也即為作書數通伯強袖以走越

見諸臺官誦言無忘卒直亮寃

集異編並見堅瓠集世廟病喉累日不語諸醫奏藥不效永嘉張羅峰憂患不寢有里人解糧至京與奴有識因宿相府獻藥名長生草又名金鎖匙生牆垣上結紅果治喉病神效

柯榮歌宜室集感事記明季故事戶有總甲役密邇邑治者尤重罪自城旦至編戍桔拳未即遣者屢總甲為守晚則紉之圍扉居民苦之而分在編戶無以自脫撫院檄育三女者得免雜役

孫退谷庚子銷夏錄瀟湘八景圖不知何人作乃元進士哈珊沙家物跋言至正己亥枯城之變倉皇避地舟覆惡溪此卷乃獨全遂贈同年陳用中

漢按志載安溪一名惡溪草木子至正乙未青田冠起哈珊沙避地或當是時歟

考唐書地理志處州麗水有惡溪多水怪刺史段成式有善政水怪絕民謂之好溪蓋是時永嘉屬括州故耳又舊唐書韓愈傳過海口下惡溪濤龍壯猛難計程期張子容詩云水共惡溪連今沈觀察惇彝溫溪待潮詩灘多未許客兼程怪道溫溪有惡名似即以溫溪為惡溪矣太平寰宇記惡溪道間九十里而有五十九瀨兩岸連雲高巖壁立按處州府志海口屬麗水

齊東野語甄雲卿字龍友永嘉人競渡日着綠衣立龍首自歌所作思遠樓前之詞旁若無人

宋史真宗記李元老溫州布衣讀書安貧不事科舉景定三年已百四歲九月丁丑詔補建功郎致仕本部給事

養新錄鄭伯英字景元永嘉人號歸愚翁

王順伯為溫州平陽尉嘗以九月詣村疇視回道間見有杜鵑花一本甚高開花正茂數朶色如渥丹照映人面皆赤訝其非時以詢土氓皆云此種只出山谷一歲四番開花春秋為盛順訪求小者竟不可得疑亦但有其一云見古吳陸壽民續太平廣志

陳玉山名環永之崑嶼人素知醫康熙耿變玉山適有事樂清兵阻不得歸迨富貝子統兵至樂將擬渡江玉山郡城寇集不可渡走轅門獻言貝子是之遂改由山路入柵溪因得夏聲為鄉導時守兵多患疫癘玉山隨行醫治及王師抵溫與聲共事尋亦染疫歸事平夏聲以功叙用玉山雖獻言於先不得與斯典嗚呼命矣按癸辛雜志張世傑死其部曲張霸收其遺貨放舟回永嘉途次為周文英所害周得世傑所愛二美人盡知供軍金帛數凡數十船悉掩有之

唐肅宗乾元初復為溫州建靖安軍唐書

唐詩觀濶集小傳殷寅陳郡人事母以孝聞應宏詞舉為永甯尉

漢按唐書武德五年析永嘉置永甯安固橫陽樂成四縣
項喬文集周有溫州參軍錄事婁州

明人集異新抄溫州王憲副族女初許字張已笄猶短小若五六
歲亦寢陋張請婚期其父母難之以情告竟別婚有何氏子慕王
之闕閱旋請吉委禽之期年女頓長大美好過於常女後生子登
進士官四品王封大恭人按新抄八卷悉載明朝事

甌東秘訓溫之浙東道向傳有怪而不可居副使曹自山汴正人
也移居之怪輒遁去忽入鄰近人家放火淫人其人乞真人之符
設醮驅之是夜雷電火光閃爍其房闈內外真若有追尋驅逐其
狀者次日怪遂滅

元陶南村輟耕錄溫州某監郡一女及笄貌美性慧父母甚鍾愛
以疾卒寫其像歲序張設哭奠任滿忘取像去新監郡復居是室
其子未婚忽得此心竊念之日懸臥室一夕見女下於軸叙殷勤
與好合踰半載形狀羸弱父母詰得其故教以女來以餅餌力勸
其啖既而女不獲辭為咽少許天明竟不可去宛然人耳持不能
言耳遂真為夫婦病亦愈矣此事余少聞之熟惜不能記兩監郡
之名爾

瞿佑剪燈新話元延祐初永嘉滕穆赴杭科舉日遊湖山月夜入
聚景園遇美人名衛芳華自稱亡宋宮相與吟詠並交會焉明日
往訪園側果有衛墓在暮又赴會因遂携歸鄉里後又當鄉試偕
以赴杭仍往聚景園俄以緣盡別去以玉指環繫生衣翌日滕具
祭墓下作文弔之歸後終身不娶入雁蕩山授藥不復還云

漢按聚景園記及說郛紅樹樓詞選並載之姪姪千四百餘
言今彙括之如右聊備異聞之一覽

夢林元解王十朋未第時醉墮沛河為水神扶出是夕夢神曰公
有三百千料錢今若死何處註銷明年遂登第

漢按蘇東坡詩註亦載此惟稱王狀元而已

道教靈驗記青田清溪觀古有銅鐘袁晁亂後失其所在有墨書
青田字人或記焉後溫州島嶼山下水中舟人時聞鐘聲幽咽不
遠有人忽見一物如半鐘形側露水上舟近即覆溺之使沉晴霽
亦時一見州寺僧綵舫旛花致齋迓之或道場經懺而請稍得見
之道門亦備香火以迎均不獲清溪道士時有與迎鐘者於眾中
稽首祝之曰清溪觀無鐘多年極是缺事遠地不辦香火丹心而
已鐘若有靈願泝流自往某先歸於觀前祇候眾聞其說皆笑之

道士歸青田鐘已在觀前潭中焚香拜迓汎汎就岫重千餘斤挽
拽懸掛若百許斤爾自後時亦飛去旬日却迴

陳士元夢林元解唐陸憑少有志行家於湖州性悅山水員元乙
丑三月遊永嘉遺疾而沒托夢於長興沈某曰我遊至永嘉苦疾
將困君為知我者願托家事臨去曰憑船已發明日午時到此長
記之如期憑喪果至

辭用弱集異記元和中韋宥出牧溫州跨馬登岫縱轡飲馬覺蘆
枝有拂鞭者若箏絃即拔蘆伸絃其長倍尋喜駭懷歸次江館家
室已維舟入亭即付箏妓妓將安之則漸蜿蜒蠕動眾來競觀而
雙眸瞭然矣宥駭衣冠焚香致敬投於江風浪皆作蒸雲走電俄
化白龍長百丈升天乃滅

又溫州有人山中遇一波斯抱野雞見人揮霍鑽入石壁中其石

自合

明異識資諧永嘉山有虎一日逐人其人登大樹而虎守於下適
張文忠母自外家歸因而憇坐樹下石上復取復在石擦泥樹上
人膽落俄雨止母去人羣至虎逸其人始下追問張母何由坐虎脊
張母曰巨石也

草木子元胡仲淵提兵取温州城時有箕仙甚驗適問他事題詩
云金甲霜寒已十秋喪師感國盡虛謀西風不作封侯夢此老安
能正首邱讀者不知所謂因詰之曰此贈胡參軍也次年胡移兵
取建甯為參政陳友定所擒磔於福州

齊東野語宋慶之寓永嘉時逢七夕學徒劇飲有僧法辨善五星
每以人煞為說一士致仙叩試事忽此動大書文章伯降慶之怪
焉漫云姑置此且求一七夕新詞即以人煞為韻忽運此大書鵲

橋仙一闋云鸞輿初駕牛車齊發聽隱隱鵲橋伊軋尤雲帶雨正
歡濃但只怕來朝初人霞垂綵幔月明銀蟾馥郁香噴金鴨年年
此際一相逢未審是甚結煞

癸辛雜識平陽陳仲潛健啖過人仕至邑宰偶遊臨安會北使至
亦健啖求為敵者使為館伴陳聞而自銜因獲充選食已復索乃
各以半豚使者辭不能容獨陳大嚼由是得湘陰慶節使還不為
生計每飯必肉數斤未幾所蓄一空其妻以告饑愁中吐出一蟲
如小龜金色遂殂

洪邁夷堅志温州洪慶善妻丁氏慈惠或患瓦隴將以放之江夜
夢以瓦蔽形者皆自喜別有十餘人愀然寤而密記其數詰旦啟
視已為一妾竊去十餘枚矣

葦船紀談及桂山錄異張愿温州人為海賈紹興七年涉大洋遭

風漂泊經五六日得一山修竹裊雲彌望極目乃登岼伐十竿擬為篙棹之用見白衣翁曰此處非汝等所當留宜急回愿曰已迷失路翁指東南方果得還十竹已雜用其九及抵岼有倭客望桅檣大叫可惜愿問其故因凝睇船內一竹求買索價五千緡遂如數授之愿叩竹何用曰此乃寶伽山聚寶竹每立竿於巨浸中諸寶不采而聚吾知其名畢世船遊未嘗或覩今幸得之愿甚嘆息宋沈氏鬼董温州人忘其名知華亭縣以裴端夫為客有緋綠衣幘頭秉簡謁之端夫以適抵此事闕不言明日一婢來跪揖而去自是女間來獻劇裴問女何人曰父與叔媽姐養娘輩三四十口在宅堂後不敢相見他日陳招飲女將一數歲兒醫身屏後椰榆之端夫顧之笑陳力叩詰乃言其狀陳怒勵聲叱之兒驚而啼女頓怒曰我去說與爹報嬰婢發狂携巨柴擊人勵聲謂陳曰汝

不憂官失妻死矣陳使數卒力制之以縣印徧印其身明日復憑他婢若為人縛懸虛空中陳徧召持法者治之無驗端夫為焚香講解之婢乃曰為先生故且去陳以宅堂不可居徙於倉中未幾內子卒焉又月餘陳竟以臺劾罷

漢按鄭大令星舟自言平原官廨後院數楹歲久黯朽相傳樓故有狐仙余因眷屬且至不敷居處謀重建之左右執不可恐狐為祟余弗之顧卒獲遂志然余非侮狐也直欲以正氣勝之耳見雙槐軒暇筆漢受鄭君之招到平原署則後院已重建而鄭君正獲疾兼有路劫案為累家中皆云狐祟之也私相禳禱逾年鄭君疾愈深劫案亦未破乃謀還其屋院於狐鄭君執不行漢曰仙人好樓居雖理所必無而情所或有可從權將後院中楹復建樓題其上曰仙人舊館其下仍

可家居庶陰陽無相犯未幾鄭君意以疾殂此事遂不果行
 徐李方見聞錄王謙光温州府諸生貧不能自活客於通洋經紀
 之家積貲同往日本颶風驟作觸礁石舟沉遇朝鮮徼外巡船載
 以往聞之國王召見王曰道不行來柁浮於海耶因以浮海為題
 命謙光賦之謙光援筆而就曰久因經生業乘槎學使星不因風
 渡險那得到王庭王善之館待如禮忽一日夢至其家見僧數眾
 設資冥道場其妻哭既寤思數年不歸家人疑死設薦固矣但我
 無子衰經者何人夢境莫解但酸鼻而已又年餘王治舟資送歸
 抵家几筵儼然髮與衰旁設夫婦相持悲喜交集詢其妻作佛事
 招魂正夢回之夕又聞衰經者何人始某入繼也固言夢回夕亦
 曾見之更為慘然

王謨江西考古錄南康山都據李時珍云神異經之山獠元中記

之山精永嘉記之山鬼海錄碎事之山丈文字指歸之旱魃搜神
 記之治鳥俱相類是山魅即山鬼耶一物兩名而出一書記載之
 不同如此

夢林元解陳宜中嘗夢神告曰今天災流行人死且半服大黃者
 生後疫癘大作服者果獲全

鄭荻疇煊摘記李翰林墨莊乾隆甲辰九月四月假遊泊舟温州
 城外夜夢遊海樓船巨麗旂幟飄揚醒時惟記舟牌有免朝字並
 記詩有雲養淡螺深句迨嘉慶己未奉命冊封琉球閱撫汪公志
 伊賚收貯右旋白螺至以為西藏貢物乾隆丁未福中堂劉臺匪
 林埭文時御賜謂能過海定風封舟例給供奉墨莊始悟前夢信
 前因之說為不誣也見李調元雨村詩話

張雲舟明府云蔡牽既沒舟師獲其子蔡二官剖其心以祭李提

督其心叢生細孔如蜂窩人以牽子自少吸鴉片烟故其心叢孔如此或吸烟噴其心即時有紅蟲從細孔中出甚多因見吸烟成蟲孔之驗向年余宰涉縣典史唐錫光親與余言唐湖州人曾從李提軍出洋征蔡故檢知之

瑞安萬松山僧月望手記邑之聖井山僧克修嘗謂於溪澗中見如白線一團細潔光潤不知何物疑之投以石螭螭欲動旋漸開散久之遂滅是日雲氣漫空不雨咸謂為潛龍也

董晉庭廷詣記嘉慶二十五年道光元二年浙東沿海郡縣悉奇疫名吊脚痧類霍亂轉筋患之脚吊目泥逾時即斃然救活者僅十二三也瑞安令陳公名連見民遭災無術補救乃齋戒詣城隍焚禱許以身代民已而陳公竟以疫亡閩闔遂賴以稍安其亡之夜營官張副將巡洋歸過一官船過江張瑞安縣銜燈及進城

即問縣官何事出洋具答以死咸益驚嘆焉此瑞邑陳筱初二尹述陳汝瀛偶記吾甌歲貢生朱汶之兄名龍者幼習經紀授室未有子流寓閩省久絕音耗其妻行乞度日後其妻每夜必沐浴而寢人問故均不答有行商者歸自閩述龍以疫亡鬼甚有靈附人為言祀於閩縣之尚書廟香火盛於是方知龍之死有年焉其妻因述龍初歿輒歸自言平生忠直已受陰救命為社神司瘟疫後夜聞亦歸家信宿並以妻苦恨未滿行當同受血食屬勿改志因是知其妻寢沐之意人皆呼為陰夫人有陳君升赴閩貿易以龍靈異備檀蠟致度龍乃降於彼地人操甌音與之周旋問妻室鄰里故舊事如繪既而其人蹶而醒仍閩語也以此人益奇其事續有客閩者必造謁焉神之降答如初未幾其妻即世汶子懿金兼其祧汶時已通籍知甘肅階州人又呼懿金為陰陽少君龍塑像頂

版蓋遵國朝制度云汶乾隆己酉選拔郡望京廂人
明人集異新抄平陽縣解中多鬼怪鄭櫟年作縣令素不畏鬼嘗
月夜酌庭下忽有婢出梧桐下甚肥暫立鄭傍鄭遽使撲扇後來
一婢稍黑鄭使執壺二婢相視而笑頗偃蹇鄭輒罵杯擲其面
撲扇數十迴見鄭吃臺於榻上擲扇走出曰誰耐此醉漢其一婢
竊飲亦醉卧鄭聳蕭偃讀書解側聞人語聲窺側既久密呼家人
共前執之婢醒走入樹下乃掘地二三尺空穴中有二大蝙蝠一
白一黑大於蒲扇家人欲擊殺鄭笑曰彼侍我飲何害當縱之去
遂撲嫩牆外自是鬼絕

按西湖詩話康熙十四年四月十八日富陽沿江地名陸山者居
民夜見墜二星如雷入地三尺縣令出視發掘得二石各重四斤
有餘則儼然金也徐隱君誣之曰落星為金甲兵林林特適有甌
閩之變蓋落星不同有為石為金為粟麥為飛蟲耳

葉飛泉鳳澄述平陽莊以蒞少嘗求夢於瑞安聖井許旌陽祠夢
神予以一蟹久不能解其義嘉慶間竟以抗官釀成欽案正法之
後始驗其夢蓋讖語有橫行鄉里四字也機元應顯休咎早定矣

漢按是案因搜捕匿犯過酷林鍾英京控另釀欽案

唐傅亮靈應錄永嘉縣有一人患瘡藍縷寒餒市中求乞羣小兒
將蔑搗其瘡處不為怒有辭主簿愍之來與飲食去亦不食辭後
暴卒為陰府追為前生冤家執論遣令勘對辭方回身報乃舅至
王起身迎揖辭觀之乃瘡者也謂王曰老舅承斯人顧盼可謂拔
之乎王命檢查云有三十年在王乃謂辭曰能作善業可得還辭
曰如得生還願造尊勝幢子債解冤讎王令押回引從舊路歸至
所居門首似夢覺家人號泣云一宿矣後遂每日一食輒建幢子

鉅 鉅 腫 腫 腫 謝

專持念其瘡者不復至乃圖像供養焉

蓬萊鼓吹附錄夏元鼎博極羣書屢試不第應賈許二帥幕出入兵間至上饒夜感異夢棄入道至南岳祝融峰遇赤城周真人得其指示大悟因作詩云崆峒訪道至湘湖萬卷詩書看轉悉踏破鐵鞋無覓處得來全不費工夫

考續博物志山蕭一名山縹永嘉郡記作魁一名山駱狀如射候犯者役虎害人燒人廬舍皆值洪水食都樹皮餓死化為鳥姚王汪三姓其姓也

漢按抱朴子山精形如小兒獨足向後夜喜犯人名曰魑汀州獨足山魑見福建志

嶺南集程月川中丞題譚篋園明府以雄圖謂牧者與所牧者之神情意態無不畢著非化二之筆不能作也蓋曾七如明府圖以

昇篋園云

金毓璜記水邑柘溪有新婚者親友數人當夕闌房相率戲謔鄉新即於樹仍返飲酒冀其求放始釋既而出視則新郎無有也急追覓之見山坳有虎噬殘尸在衣履狼籍即新郎也致興冤獄雖云無意致死然惡謔無禮不能無罪

琛岑張正宣記某秀才訓蒙家樓一日他出其徒看演戲回以戲場所演包拯斬冕乃相效為其鄰某充營卒家有削刀諸徒盜置中樓一登棹為包拯一為冕中腰削刀上復二人為削執刀不意失手刀落而為冕者身傷號斃桌上為拯者驚慌跌身而下腦裂刀背亦斃秀才妻已懷孕聞樓上兇哭急止樓親猛見二徒斃死輒驚嚇翻身下樓亦斃焉意兒戲耳乃三命一孕同遭慘死天耶人耶為塾師者可不慎約束耶

汪德輝偶錄張正守字信猷永諸生有辯才凡理屈情奪之訟求之於張出一策其圍無不立解然老不擲筆士論惜之

于煌字榕舟東魯人以事問譴來溫有雋才楷草亦極工而潦倒

天涯無以奮迅後以赦歸

湯繼堂日修識

汪德輝偶錄吳臯颺武進人以罪戍溫善於訟詞乾隆間新府范公思敬未蒞任先扮商至溫私察民情聞吳名往浼作訟所告事甚悖理吳不之允范公多予以金吳曰理直則為之不敢以多金易我志范公異之自是嚴捕訟師絕不及吳以其有大良云

石珍氏吳琅筆永嘉西鄉人某苦耕積錢二千餘付妻藏副急用被鄰人所盜妻懼夫譴縊死其夫適携幼子在水碓舂米報至夫慌遽奔歸半途憶及二子迎轉携回至則其子已入碓成齏粉矣鄉人號慘莫反亦赴水死一家四命頓因二串錢而盡喪是日天

忽大雷雨竊者被雷追殛捧錢臨街而仆莫不憐鄉人受禍之慘而快彼蒼顯報之速也

曾吉人坦述嘉慶辛未六月溫郡老嫗數十人會赴普陀進觀音香風暴覆舟老嫗數十人悉溺斃無生還者

漢按佞佛求福愚者所為如果一心向善自可獲福何必冒險重洋葬身魚腹願為人夫男當以此理曉其婦女而家門受益洵非淺鮮更何性命之憂哉

陳光統平陽人僑居溫州種園為業四十餘方授室道光廿七年卒壽一百又八歲子孫四代居喪可謂人瑞矣



溫州府圖書館